



本紀卷第三十七

宋史三十七

開府儀同三司權國軍器監丞相監修國史領經筵事都統教習等奉
勅修

寧宗一

寧宗法天備道純德茂功仁文哲武聖睿恭孝皇帝
諱擴光宗第二子也母曰慈懿皇后李氏光宗為恭
王慈懿夢日墜于庭以手承之已而有娠乾道四年
十月丙午生于王邸五年五月賜名十一月乙丑
授右千牛衛大將軍七年光宗為皇太子淳熙五年
十月戊午遷明州觀察使封英國公七年二月初就

傳九年正月始冠十年九月己巳始預朝參十一年
當出閣兩宮愛之不欲令居外乃建第東宮之側以
十月甲戌遷焉十二年三月乙酉遷安慶軍節度使
封平陽郡王八月辛酉納夫人韓氏十六年二月壬
戌光宗受禪三月己亥拜少保武寧軍節度使進封
嘉王帝自弱齡尊師重傅至是始置翊善以沈清臣
為之紹熙元年春宰相留正請立帝為儲嗣五年六
月戊戌孝宗崩光宗以疾不能出壬寅宰臣請太皇
太后垂簾聽政不許請代行祭奠之禮從之丁未宰
臣奏云皇子嘉王仁孝夙成宜正儲位以安人心越

六日奏三上從之明日遂擬旨以進是夕御批付丞
相云歷事歲久念欲退閑七月辛酉留正以疾辭去
知樞密院事趙汝愚見正去乃遣韓侂胄因內侍張
宗尹以禪位嘉王之意請于太皇太后不獲遇提舉
重華宮關禮侂胄因其問告之禮繼入內泣請于太
皇太后太皇太后乃悟令諭侂胄曰好為之侂胄出
告汝愚命殺帥郭杲夜分兵衛南北翌日禪祭汝愚
率百官詣大行柩前太皇太后垂簾汝愚率同列再
拜奏皇帝疾不能執喪臣等乞立皇子嘉王為太子
以安人心乃奉御批八字以奏太皇太后曰既有御

筆卿當奉行汝愚曰內禪事重須議一指揮太皇太后允諾汝愚袖出所擬以進云皇帝以疾未能執喪曾有御筆欲自退閑皇子嘉王擴可即皇帝位尊皇帝為太上皇皇后為太上皇后太皇太后覽畢曰甚善汝愚出以旨諭帝帝固辭曰恐負不孝名汝愚曰天子當以安社稷定國家為孝今中外憂亂萬一變生置太上皇何地衆扶入素幄披黃袍方却立未坐汝愚率同列再拜帝詣几筵歎哭盡哀須臾立仗訖催百官班帝衰服出就重華殿東廡素幄立內侍扶掖乃坐百官起居訖乃入行禫祭禮詔建泰安宮以

奉太上皇太上皇后汝愚卽喪次請召還留正乙丑太皇太后命立崇國夫人韓氏為皇后丙寅大赦百官進秩一級賞諸軍詔車駕五日一朝泰安宮百官月兩朝以卽位告于天地宗廟社稷丁卯侍御史張叔椿劾留正擅去相位詔以叔椿為吏部侍郎戊辰詔求直言遣鄭湜使金告禫位己巳以趙汝愚兼參知政事庚午召秘閣脩撰知潭州朱熹詣行在壬申建泰安宮乙亥以趙汝愚為右丞相參知政事陳騏知樞密院事余端禮參知政事仍兼同知樞密院事汝愚辭不拜賜前宰執侍從詔訪以得失丙子大風

字四百八十八
戊寅詔秋暑太上皇帝未須移御卽以寢殿為泰安宮以殿前都指揮使郭杲為武康軍節度使庚辰率群臣拜表于泰安宮辛巳以趙汝愚為樞密使保大軍節度使郭師禹為攢宮總護使壬午侍御史章穎等劾內侍林億年陳源楊舜卿詔億年源與在外宮觀舜卿在京宮觀韓侂胄落階官為汝州防禦使癸未余端禮辭兼同知樞密院事甲申以兵部尚書羅點簽書樞密院事詔兩省官詳定應詔封事具要切者以聞戊子詔百官輪對罷楊舜卿在京宮觀林億年常州居住陳源撫州居住八月己丑朔安定郡王

子濤薨辛卯初御行宮便殿聽政癸巳以朱熹為煥章閣待制兼侍講甲午增置講讀官以給事中黃裳中書舍人陳傅良彭龜年等為之丁酉以生日為天祐節己亥率群臣朝泰安宮辛丑詔諸道舉廉吏糾汚吏壬寅詔經筵官開陳經旨敕正闕失進封弟許國公柄為徐國公癸卯加嗣濮王士欽少師郭師禹少傅夏執中少保乙巳詔晚講官坐講丁未復罷經筵坐講命三省議振恤諸路郡縣水旱乙卯加安南國王李龍翰思忠功臣詔歲減廣西鹽額十萬緡丙辰留正罷以觀文殿大學士判建康府以趙汝愚為

字四百八十一
右丞相丁巳詔侍從兩省臺諫各舉通亮公清不植
黨與曾任知縣者二人九月己巳命趙汝愚朝獻景靈
宮庚子命嗣秀王伯圭朝饗太廟是日羅點薨辛未合
祭天地于明堂大赦壬申以刑部尚書京鏗簽書樞
密院事甲戌下詔撫諭諸將改天祐節為瑞慶節冬
十月己丑右諫議大夫張叔椿再劾留正擅去相位
詔落正觀文殿大學士庚寅更泰安宮為壽康宮辛
卯命四川制置司銓量諸州守臣癸巳雷乙未詔以
陰陽謬鑿雷電非時令臺諫侍從各疏朝政闕失以
聞戊戌復許武舉人試換文資庚子以久雨命大理三

衙臨安府兩浙州縣決繫囚釋杖以下辛丑減兩浙
江東西路和市折帛錢蠲兩浙路丁鹽身丁錢一年
雅州蠻寇邊土丁拒退之尋出降甲辰以朱熹言趣
後省省詳應詔封事乙巳上大行至尊壽皇聖帝謚
曰睿文神武成孝皇帝廟號孝宗丙午復以朱熹奏請
卻瑞慶節賀表庚戌改上安穆皇后謚曰成穆皇后
安恭皇后謚曰成恭皇后壬子遣曾三復使金賀正
旦丙辰上孝宗皇帝冊寶于重華殿成穆皇后成恭
皇后冊寶于本室是月建福寧殿閏月庚申以吏部
尚書鄭僑等奏請祧僖宣二祖正太祖東嚮之位尋

立僖祖別廟以藏順冀宣三祖之主乙丑遣林季友使
金報謝戊辰金遣使來弔祭戊寅侍講朱熹以上疏
忤韓侂胄罷趙汝愚力諫不聽臺諫給舍交章請留
朱熹亦不聽詔兩省臺諫侍從各舉宗室有文學器
識者二人壬午詔改明年為慶元元年十一月甲午
復加安南國王李龍翰濟美功臣丙午帝自重華宮
還大內庚戌以宜州觀察使韓侂胄兼樞密都承旨
辛亥兩木冰詔行孝宗三年喪制命禮官條具典禮
以聞升明州為慶元府乙卯權檮孝宗皇帝于永阜
陵十二月丁巳朔禁民間妄言宮禁事乙丑吏部待

郎彭龜年上疏言韓侂胄假託聲勢竊弄威福乞黜
之以解天下之疑詔罷龜年進侂胄一官與在京宮
觀趙汝愚請留龜年不聽御史中丞謝深甫劾陳傅
良罷之戊辰以陳康伯配饗孝宗廟庭己巳陳騤罷
庚午以余端禮知樞密院事京鏗參知政事鄭僑同
知樞密院事辛未監察御史劉德秀劾起居舍人劉
光祖罷之癸酉金遣使來賀登位上孝宗廟樂曰大
倫之舞甲戌祔孝宗神主于太廟丁丑減臨安紹興
二府死罪以下囚釋杖以下蠲民緣檮官役者賦戊
寅加郭師禹少師進封永寧郡王癸未金遣使來賀

明年正旦是歲兩浙淮南江東西路水旱振之仍蠲其賦

慶元元年春正月丁巳朔蠲兩淮租稅壬寅黎州蠻寇邊官軍戰却之乙巳蠲台嚴湖三州貧民身丁折帛錢一年詔兩浙淮南江東路荒歉諸州收養遺棄小兒辛亥以久雨振給臨安貧民丙辰白虹貫日二月丁巳朔詔兩淮諸州勸民墾闢荒田壬戌詔嗣秀王伯圭贊拜不名癸亥以久雨釋大理三衙臨安府兩浙路杖以下囚丁卯詔帥臣監司歲終考察郡守臧否以聞戊寅以右正言李沐言罷趙汝愚為觀文

殿大學士知福州己卯雨土以余端禮兼參知政事庚辰兵部侍郎章穎以黨趙汝愚罷甲申謝深甫等再劾汝愚詔與宮觀三月丙戌朔日有食之庚寅太白經天辛亥詔四川歲發西兵詣行在如舊制癸丑命侍從臺諫兩省集議江南沿江諸州行鐵錢利害甲寅國子祭酒李祥博士楊簡以黨趙汝愚罷夏四月丁巳太府寺丞呂祖儉坐上疏留趙汝愚及論不當黜朱熹彭龜年等忤韓侂胄送韶州安置己未以余端禮為右丞相京鏜知樞密院事鄭僑參知政事謝深甫簽書樞密院事庚申太學生楊宏中等六人

以上書留趙汝愚章穎李祥楊簡請黜李沐詔宏中等各送五百里外編管中書舍人鄧驛上疏救之不聽戊辰臨安大疫出內帑錢為貧民醫藥棺斂費及賜諸軍疫死者家五月戊子呂祖儉改送吉州安置戊戌詔戒百官朋比丙午詔諸路提舉司置廣惠倉脩胎養令辛亥減大理三衙臨安府雜犯死罪以下囚釋杖以下六月丁巳復留正觀文殿大學士充醴泉觀使右正言劉德秀請考核真偽以辨邪正己未遣汪義端賀金主生辰庚午詔三衙江上諸軍主帥將佐初除舉自代一人歲薦所知二人癸酉以韓侂

胄為保寧軍節度使提舉萬壽觀秋七月壬辰加周必大少傅丁酉落趙汝愚觀文殿大學士罷宮觀己亥太白晝見八月己巳詔內外諸軍主帥條奏武備邊防之策以聞九月壬午朔蠲臨安府水災貧民賦乙酉以久雨決繫囚丙戌災惑入太微甲辰遣黃艾使金賀正旦己酉蠲台嚴湖三州被災民丁酉冬十月己卯詔三省樞密院條上合教諸軍例乙丑升秀州為嘉興府舒州為安慶府嘉州為嘉定府英州為英德府戊辰金遣吳鼎樞來賀瑞慶節壬申封子恭為安定郡王十一月己丑雨土庚寅以弟徐國公炳

為昭慶軍節度使戊戌加上壽聖隆慈備福太皇太后尊號曰壽聖隆慈備福光佑太皇太后壽成皇太后曰壽成惠慈皇太后太上皇曰聖安壽仁太上皇太上皇后曰壽仁太上皇后丙午以監察御史胡統言責授趙汝愚寧遠軍節度副使永州安置丁未命宰執大閱十二月癸亥置楚州弩手效用軍丙子命朱熹為煥章閣待制辭丁丑金遣統石烈正來賀明年正旦

二年春正月庚寅以余端禮為左丞相京鏜為右丞相鄭僑知樞密院事謝深甫參知政事御史中丞

澹同知樞密院事子趙汝愚卒于永州甲辰右諫議大夫劉德秀劾留正引用偽學之黨詔落正觀文殿大學士罷官觀二月辛酉詔追復趙汝愚官許歸葬以中書舍人吳宗旦言罷之辛未再蠲臨安府民身丁錢三年三月丙申命諸軍射鐵簾己亥進封弟柄為吳興郡王丙午有司上慶元會計錄夏四月甲子余端禮罷壬申以何澹參知政事吏部尚書葉翥簽書樞密院事乙亥增置監察御史一員五月辛己以旱禱于天地宗廟社稷詔大理三衙臨安府兩浙州縣決繫囚乙酉申嚴獄囚瘐死之罰辛卯賜禮部

進士鄒應龍以下四百九十有九人及第出身甲午
減諸賭和市折帛錢三年建華文閣以藏孝宗御集
甲辰更慈福宮為壽慈宮六月庚戌遣吳宗旦賀金
主生辰乙丑命監司帥守減否縣令分三等丙子子
竣生秋七月癸未饗于太廟丙戌減諸賭死罪囚釋
流以下戊子量徒流人呂祖儉等于內郡詔檢正都
司考覈諸賭守臣便民五事以聞戊戌以韓侂胄為
開府儀同三司萬壽觀使八月癸丑奉安孝宗皇帝
成穆皇后成恭皇后神御于景靈宮丙辰以太常少
卿胡紘請權住進擬偽學之黨壬戌子竣薨追封充

王謚冲惠九月丁亥復分利州為東西路癸巳嗣濮
王士欽薨追封韶王甲午流星晝墮丁酉遣張貴謨
使金賀正旦冬十月戊申率群臣奉上壽聖隆慈備
福光佑太皇太后壽成惠慈皇太后聖安壽仁太上
皇壽仁太上皇后冊寶于慈福壽康宮辛亥冊皇后
壬戌金遣張嗣來賀瑞慶節甲戌火闕十一月庚寅
詔壽康宮上太上皇帝寬恤詔令壬辰京鏜等上孝
宗皇帝寬恤詔令癸卯賞宜州捕降峒寇功十二月
辛未金遣完顏崇道来賀明年正旦是月監察御史
沈繼祖劾朱熹召落熹秘閣脩撰罷宮觀竄處士蔡元

定于道州

三年春正月壬寅鄭僑罷癸卯以謝深甫兼知樞密院事二月己酉京鏗等上神宗玉牒高宗實錄丁巳以大理司直邵襄然請詔大臣自今權臣偽學之黨勿除在內差遣詔下其章三月乙未建東華門庚子禁浙西州軍園田壬寅詔自今有司奏讞死罪不當者論如律夏四月丙午雨土命不祛為嗣濮王壬子以旱禱于天地宗廟社稷乙丑雨雹六月戊辰頒淳熙寬恤詔令閏月甲戌內出銅器付尚書省毀之命申嚴私鑄銅器之禁乙亥遣衛涇賀金主生辰甲午

詔留正分司西京邵州居住是夏廣東提舉茶鹽孫安國遣人捕私鹽于大奚山島民遂作亂秋七月庚午監察御史沈繼祖錄淹囚四百餘條來上詔進二官八月戊子復置嚴州神泉監辛卯知廣州錢之望遣兵入大奚山盡殺島民甲午均諸路職田九月壬寅以四川旱詔蠲民賦辛酉遣曾炎使金賀正旦乙丑申嚴帥臣監司臧否郡守之制是月詔監司帥守薦舉改官勿用偽學之人冬十月癸酉雷丙戌金遣完顏愈來賀瑞慶節丙申以太皇太后違豫赦十日辛丑加孝宗皇帝謚曰紹統同道冠德昭功哲文神

武明聖成孝皇帝太皇太后吳氏崩壬寅朝獻于景
靈宮吳氏朝饗于大廟甲辰祀天地于園丘大赦乙
巳詔為大行太皇太后服期丁未遣趙介使金告哀
十二月丙子始御正殿丁丑以大行太皇太后攢宮
蠲紹興府貧民明年身丁折帛綿絹庚辰罷文武官
納官告綾紙錢甲申雷雨土乙未金遣奧也忠季來賀
明年正旦丁酉以知綿州王沆請詔省部籍偽學姓
名

四年春正月己卯上欽宗皇后謚曰仁懷皇后丙寅
以葉翥同知樞密院事丁卯詔有司寬恤兩浙江淮

荆湖四川流民二月辛未詔兩省侍從臺諫各舉所
知一二人毋薦宰執親黨丙子上大行太皇太后謚
曰憲聖慈烈皇后三月甲子權攢憲聖慈烈皇后于
永思陵乙丑金遣烏林答天益來弔祭夏四月丙戌
祔仁懷皇后憲聖慈烈皇后神主于太廟己丑蠲臨
安紹興二府租稅有差丙申始御正殿是月右諫議大
夫張釜請下詔禁偽學遣湯碩使金報謝五月己亥
加韓侂胄少傅賜玉帶己酉詔禁偽學六月己巳遣
楊王休賀金主生辰癸酉以弟吳興郡王柝為開府
儀同三司秋七月辛酉葉翥罷八月丁卯朔以久雨

決繫囚丙子以謝深甫知樞密院事兼參知政事吏部尚書許及之同知樞密院事庚辰白氣亘天丙戌詔以太上皇聖躬清復率群臣上壽尋不克行九月壬寅太白晝見癸卯太白經天丁未頒慶元重脩敕令格式庚申遣馬覺使金賀正且是月詔造新曆冬十月戊子金遣孫鐸來賀瑞慶節十二月丙戌再遣臨安府民身丁錢三年巳丑金遣楊庭筠來賀明年正旦

五年春正月庚子樞密院直省官蔡璉訴趙汝愚定策時有異謀詔下大理捕鞠彭龜年曾三聘等以實

其事中書舍人范仲藝力爭之于韓侂胄事遂寢張金等復請窮治詔停龜年三聘官壬戌建玉堂二月癸酉白氣亘天乙酉張金劾劉光祖附和偽學詔房州居住三月甲午罷監司臧否郡守之制夏五月壬辰朔新曆成賜名曰統天戊戌賜禮部進士曾從龍以下四百十有二人及第出身戊申以久雨民多疫命臨安府振恤之壬子詔諸路州學置武士齋選官按其武藝六月癸亥遣李大性賀金主生辰秋七月甲寅禁高麗日本商人博易銅錢八月乙亥白氣亘天辛巳太祖廟楹生芝率群臣詣壽康宮上壽始見

太上皇成禮而還甲申以過宮上壽禮成中外奉表稱賀丙戌詔減諸路流囚釋杖以下推恩如慶壽故事丁亥進京鏜等官一級戊子立沿邊諸州武舉取士法九月庚寅朔加韓侂胄少師封平原郡王丙辰遣朱致知使金賀正旦冬十月庚申朔封郭師禹為廣陵郡王丙子金遣僕散琦來賀瑞慶節十一月己丑朔詔復右司一員十二月辛酉嗣濮王不佞薨庚午命廣東水土惡弱諸州建安仁宅惠濟君庫給士大夫死不能歸者乙亥奉安仁懷皇后憲聖慈烈皇后神御于景靈宮甲申金遣范楫來賀明年正旦是

歲饒信江撫嚴衢台七州建昌興國軍廣東諸州皆水振之

六年春正月己亥子坦生二月戊辰減諸路雜犯死罪囚釋徒以下己巳雨土己卯率群臣奉上聖安壽仁太上皇玉牒聖政日曆會要于壽康宮甲申封姪好楊氏為貴妃閏月庚寅以京鏜為左丞相謝深甫為右丞相何澹知樞密院事兼參知政事乙巳復留正少保觀文殿大學士致仕丁未雨土辛亥以殿前副都指揮使吳曦為昭信軍節度使三月甲子朱熹卒辛未從壽成惠慈皇太后幸聚景園己卯安定郡王

子恭覺夏四月己酉命不學為嗣濮王五月丙辰以
早決中外繫囚除茶鹽賞錢有司上慶元寬恤詔令
役法撮要癸亥避正殿減膳丙寅詔大理三衙臨安
府及諸路闕兩州縣釋杖以下囚戊辰詔侍從臺諫
兩省卿監郎官館職疏陳闕失及當今急務辛未以
久不雨詔中外陳朝廷過失及時政利害壬申雨丁
丑詔三省樞密院擇臣封事可行者以聞六月乙
酉朔日有食之丁亥以太上皇后遺豫赦戊子太上
皇后李氏崩壬辰遣趙善義賀金主生辰吳玠使金
告哀戊申許及之以母憂去佐秋七月己未初御後

殿丁卯以御史中丞陳自强簽書樞密院事八月庚
寅以太上皇遺豫赦辛卯太上皇崩甲午遣李寅神
使金告哀乙未日中有黑子丙申上大行太上皇后
謚曰慈懿皇后丁酉京鐘薨壬寅子坦薨追封邠王
謚冲温癸卯權擢慈懿皇后于臨安府南山之修古
寺九月乙卯祔慈懿皇后神主于太廟甲子發州在
衣呂祖泰上書請誅韓侂胄蘇師旦逐陳自强等以
周必大代之詔杖祖泰配欽州牢城己巳命謝深甫
朝獻景靈宮庚午命嗣濮王不學朝饗太廟辛未合
祭天地于明堂大赦丙子遣丁常任為金國遺留國

四百一十人
信使冬十月丙戌加韓侂胄大傅戊子遣林桶使金
賀正旦庚子復加安南國王李龍翰保節功臣辛丑
雨土十一月癸丑朔詔宗子與愿更名曦為福州觀
察使己未皇后韓氏崩癸亥子增生丙寅東北地震
上大行太上皇謚曰憲仁聖哲慈孝皇帝廟號光宗
乙亥上大行皇后謚曰恭淑皇后十二月癸未朔子
增薨追封郢王謚冲英乙酉日中有黑子辛卯雨土
權攢憲仁聖哲慈孝皇帝于永宗陵己亥金遣烏古
論誼來弔祭壬寅權攢恭淑皇后于臨安府南山之
廣教寺癸卯祔光宗皇帝神主于太廟遣虞備使金

報謝詔改明年為嘉泰元年乙巳日中黑子滅蠲臨
安紹興二府民緣攢宮役者賦戊申金遣紇石烈忠
定來賀明年正旦己酉加吳曦太尉庚戌祔恭淑皇
后神主于太廟詔罷四川總領所所增關外四州營
田租是歲建寧府徹嚴衢婺信南劍七州水建康
府常潤揚楚通泰和七州江陰軍旱振之

本紀卷第三十七

宋史卷三十八

本紀卷第三十八

宋史三十八

開禧三司上柱國銀青光祿大夫知樞密院事兼知太僕寺卿李昉等奉
勅修

寧宗二

嘉泰元年春正月戊午申嚴福建科

深甫等薦士三十有五人詔籍名中書以待選擇于

郊命路鈗按閱諸州兵士毋受饋遺及擅招軍違者

寘諸法庚午以葛郊配饗光宗廟庭丙子金遣完顏

充來弔祭二月戊子詔求明曆之士壬辰開資善堂

遣俞烈使金報謝癸巳監察御史施康年劾少傅觀

宋史卷三十八

文殿大學士致仕周必大首倡偽學私植黨與詔降
為少保修光宗實錄乙未續修吏部七司法己亥初
置教官試于四川辛丑雨土三月丙寅雨雹戊辰復
雨雹領慶元寬恤詔令後法撮要己巳雨雹戊寅臨
安大火四日乃滅夏四月辛巳詔有司振恤被災居
民死者給錢瘞之壬午下詔自責詔樞密院覈禁衛
班直及諸軍營柵焚燬之數癸未避正殿減膳甲申
命臨安府察姦民縱火者治以軍法內降錢十六萬
緡米六萬五千餘石振被災死亡之家辛卯龍州蕃
部寇邊遣官軍討之詔以風俗侈靡災後官軍營造

務遵法制內出銷金鋪翠焚之通衢禁民無或服用
丁酉御正殿復膳戊戌以潛邸為開元宮丙午詔文
武臣無寓居州任釐務官著為令五月戊午以旱禱
于天地宗廟社稷詔大理三衙臨安府兩浙州縣決
繫囚癸亥釋諸路杖以下囚除茶鹽賞錢丁卯命有
司舉行寬恤之政十有六條乙亥監太平惠民局夏
允申請用文彥博故事以韓侂胄平章軍國重事韓
侂胄上疏請致仕不許免允中官丙子雨丁丑雨雹
六月辛巳遣陳宗召賀金主生辰丙午太白經天秋
七月乙卯何澹罷丁巳以旱復禱于天地宗廟社稷

四百八十一
壬戌釋大理三衙臨安府及諸路關兩州縣杖以下
囚癸亥雨雹甲子以陳自強參知政事兼同知樞密
院事張金簽書樞密院事丁卯復振被火貧民己巳
以吳曦為興州都統制兼知興州八月己卯減奏為
恩甲申張金罷以陳自強兼知樞密院事給事中張
巖參知政事右諫議大夫程松同知樞密院事丙戌
復詔侍從臺諫兩省集議沿江八州行鐵錢利害九
月辛亥遣朝臣二人決浙西園田己未雨土辛未遣
李景和使金賀正旦甲戌令禮官纂集孝宗一朝典
禮冬十月甲申詔免瑞慶節諸道入貢丙戌起居郎

王容請以韓侂胄定策事迹付史館從之甲午金遣
徒單懷忠來賀瑞慶節甲辰編光宗御集十一月庚
申蠲潭州民舊輸黃河鐵纜錢丙寅太白晝見十二
月己卯太白經天庚寅復免臨安府民身丁錢三年
辛丑雨土癸卯金遣統石烈真來賀明年正旦是歲
浙西江東兩淮利州路旱振之仍蠲其賦真里富國
獻馴象二

二年春正月癸亥以知閣門事蘇師旦兼樞密都承
旨丁卯陳自強等上高宗實錄二月甲申追復趙汝
愚資政殿學士丁亥修高宗正史實訓戊子頒治縣

十二事以風厲縣令癸巳禁行私史三月辛亥詔宰
執各舉可守邊郡者二三人己未初命諸路提刑以
五月按部理囚己巳詔諸路帥臣總領監司舉任將
帥者與本軍主帥列上之夏四月庚寅雨雹五月甲
辰朔日有食之己巳賜禮部進士傳行簡以下四百
九十有七人及第出身六月丙子遣趙不報賀金立
生辰己卯臨安火壬午濬浙西運河辛卯禁都民以
火說相驚者庚子大雨雹秋七月辛亥封子覲為安
定郡王癸亥以旱釋諸路杖以下囚己巳命有司舉
行寬恤之政七條庚午禱于天地宗廟社稷復行寬

恤四事八月丙子以吏部尚書袁說友同知樞密院
事癸未建寶謨閣以藏先宗御集己丑詔作壽慈宮
請太皇太后還內甲午謝深甫等上慶元條法事類
九月己酉朝壽慈宮甲寅修皇帝會要壬戌奉安光
宗皇帝慈懿皇后神御于景靈宮萬壽觀丙寅嗣秀
王伯圭薨追封崇王謚曰憲靖庚午臨安府野蚕成
繭冬十月乙亥上壽成惠慈太皇太后尊號曰壽成
惠聖慈祐太皇太后戊子金遣完顏瑋來賀瑞慶節
乙未遣魯頊使金賀正旦是月追復朱熹煥章閣待
制致仕十一月甲辰始御正殿乙巳重修吏部七司

法庚戌以陳自強知樞密院事前同知樞密院事許
及之參知政事丁巳右文殿楹生芝十二月甲戌日
中有黑子率群臣奉上壽成惠聖慈祐太皇太后冊
寶于壽慈宮甲申立貴妃楊氏為皇后加韓侂胄太
師庚寅大閱閏月丁未詔講官有當開釋者隨事開
陳乙卯以福州觀察使曠為威武軍節度使封衛國
公丁卯金遣使單公弼來賀明年正旦是月復周必
大少傅觀文殿大學士是冬子垌生未踰月薨追封
華王謚冲穆是歲建寧府福汀南劍瀘四州水邵州
旱振之

三年春正月庚辰謝深甫罷壬午置湖南谿洞總首
戊子龍州蕃部復寇邊遣官軍討之甲午張巖罷丙
申以陳自強兼參知政事戊戌幸大學謁大成殿御
化原堂命國子祭酒李寅仲講尚書周官篇遂幸武
學謁武成殿監學官進秩一級諸生推恩賜帛有差
以袁說友參知政事權翰林學士知制誥傅伯壽兼
書樞密院事伯壽辭不拜二月乙巳御文德殿冊皇
后以吏部尚書費士寅簽書樞密院事三月丁丑以
久雨詔大理三衙臨安府決繫囚乙酉幸聚景園夏
四月己亥朔日有食之壬寅福州瑞麥生丙午出封

四百七十一
樞庫兩淮交子一百萬命轉運司收民間鐵錢乙卯
陳自強等上徽宗玉牒孝宗光宗實錄辛酉詔宰執
臺諫子孫毋就試五月戊寅以陳自強為右丞相許
及之知樞密院事仍兼參知政事庚辰以旱詔大理
三衙臨安府釋杖以下囚癸未命有司搜訪舊聞修
三朝正史以書來上者賞之是月以蘇師旦為定江
軍承宣使六月壬寅遣劉甲賀金主生辰己酉減大
理三衙臨安府囚罪一等釋杖以下癸亥太白經天
秋七月辛未頒慶元條法事類命殿前司造戰艦壬
午權罷同安漢陽蘄春三監鑄錢白虹貫日癸未禁

江浙州縣抑納逃賦乙未加光宗皇帝謚曰循道憲
仁明功茂德溫文順武聖哲慈孝皇帝八月壬寅增
置襄陽騎軍戊申置四川提舉茶馬二員分治茶馬
事丙辰陳自強等上皇帝會要甲子詔刑部歲終比
較諸賭瘦死之數以為數景九月庚午袁說友罷壬
申以宗子希璿為莊文太子嗣更名楷授右千牛衛
將軍癸酉命阮冶鉄冶司毀私錢改鑄己丑詔南郊
加祀感生帝太子庶子星宋星遣張孝曾使金賀正
旦冬十月庚子詔宥呂祖泰癸卯以費士寅參知政
事華文閣學士知鎮江府張孝伯同知樞密院事丙

三百九十七
午命兩淮諸州以仲冬教閱民兵萬弩手丁未大風
戊申龍州蕃部出降壬子金遣完顏奕來賀瑞慶節
十一月壬申上光宗冊寶于太廟癸酉朝獻于景靈
宮甲戌朝饗于太廟乙亥祀天地于園丘大赦癸未
大風己丑安定郡王子覲薨更定選人薦舉改官法
庚寅復置福田居養院命諸路提舉常平司主之十
二月丙辰命四川提舉茶馬通治茶馬事辛酉下詔
戒敕將帥培克金遣獨吉思忠來賀明年正旦是冬
金國多難懼朝廷乘其隙沿邊聚糧增戍且禁襄陽
權場邊釁之開蓋自此始

四年春正月乙亥大風濤天長縣濤癸未日中有黑
子壬辰雨雹瓊州西浮洞逃軍作亂寇掠文昌縣遣
兵討平之二月丁酉置莊文太子府小學教授辛亥
命內外諸軍射鉄帖轉資壬子蠲臨安府逋負酒稅
己未立試刑法避親格庚申夜有赤氣亘天三月丁
卯臨安大火迫太廟權奉神主于景靈宮己巳避正
殿庚午命臨安府振焚室辛未詔修太廟甲戌下詔
罪己乙亥詔百官䟽陳時政闕失庚寅復御正殿夏
四月甲午朔立韓世忠廟于鎮江府命內外諸軍詳
度純隊法甲辰許及之罷振恤江西水旱州縣乙巳

以費士寅兼知樞密院事張孝伯參知政事吏部尚
書錢象祖賜出身同知樞密院事丙辰詔革選舉之
弊五月乙亥詔諸軍主帥各舉部內將材三人不如
所舉者坐之癸未追封岳飛為鄂王六月癸巳遣張
嗣古賀金主生辰丙申置諸軍帳前雄効以軍官子
孫補之士寅詔侍從臺諫兩省集議裁抑濫賞士子
詔諸路監司覈實諸州椿積錢米沿江四川軍帥簡
練軍實丁巳增廬州強勇軍為千人秋七月甲子以
旱詔大理三衝臨安府兩浙及諸路決繫囚戊辰禱
于天地宗廟社稷己巳命諸路提刑從宜斷疑獄蠲

內外諸軍逋負營運息錢辛未蠲兩浙闕兩州縣逋
租戊子命諸路提刑提舉司措置保伍法八月己亥
陳自強等上皇帝玉牒癸丑詔自今以恩賞進秩歲
毋過二官蠲紹興府攢宮所在民身丁錢絹綿鹽丙
辰除靜江府昭州折布錢戊午張孝伯罷九月乙丑
得四圭有邸玉一詔藏于太常壬午遣鄧友龍使金
賀正旦丙戌戒飭兩淮州縣遵守寬恤舊法冬十月
庚子以資政殿大學士淮東安撫使張巖參知政事
壬寅金遣完顏昌來賀瑞慶節十一月己未朔詔兩
淮荆襄諸州值荒歉奏請不及者聽先發廩以聞庚

字三十八九人
午封伯栩為安定郡王壬申白氣亘天庚辰修六合
縣城十二月癸巳詔總覈內外財賦以陳自強無國
用使費士寅張巖同知國用事己亥詔改明年為開
禧元年壬寅禁州縣挾私籍沒民產甲辰再蠲臨安
府民身丁錢三年乙卯金遣烏林答毅來賀明年正
旦

開禧元年春正月癸酉初置激浦水軍壬午兩糶二
月癸巳奪徐安國三官癸卯詔國用司立考覈財賦
之法丙午蠲臨安府逋負酒稅三月庚申太白晝見
辛未申嚴民間生子棄殺之禁仍令有司月給錢米

收養辛巳以淮西安撫司所招軍為強勇軍癸未費
士寅罷夏四月戊子朔以錢象祖參知政事兼同知
樞密院事吏部尚書劉德秀簽書樞密院事辛卯以
江陵副都統李奕為鎮江都統皇甫斌為江陵副都
統兼知襄陽府戊戌修憲聖慈烈皇后聖德事迹辛
丑日中有黑子甲寅武學生華岳上書諫朝廷不宜
用兵恐啓邊釁以忤韓侂胄送建寧府編管乙卯大
風五月己巳賜禮部進士毛自知以下四百三十有
三人及第出身復淳熙薦舉改官法乙亥詔以衛國
公曦為皇子進封榮王甲申鎮江都統戚拱遣忠義

人朱裕結弓手李全焚漣水縣是月金國以邊民侵掠及增邊戍來責渝盟六月戊子罷廣東統場八十一墟辛卯詔內外諸軍密為行軍之計戊戌命諸路安撫司教閱禁軍己亥遣李壁賀金主生辰庚子進程松資政殿大學士為四川制置使辛丑淮東安撫鄭挺坐擅納北人牛真及劫漣水軍事敗奪二官罷壬寅天鳴有聲復同安漢陽斬春三監己巳熒惑犯太微右執法陳自強等上新修淳熙以後吏部七司法士子陳自強及侍御史鄧友龍等請用本朝故事以韓侂胄平章軍國事減大理三衙臨安府囚罪一

等釋杖以下秋七月庚申詔韓侂胄平章軍國事立班丞相上三日一朝赴都堂治事命興元都統司增招戰兵丙寅以蘇師旦為安遠軍節度使領閣門事丁卯詔侍從兩省臺諫在外待制學士已上及內外文武官各舉將帥邊守一二人戊辰贈趙汝愚少保己卯韓侂胄等上高宗御集壬午詔諸路提刑提舉司措置保甲癸未以韓侂胄兼國用使以旱詔大理三衙臨安府兩浙州縣及諸路決繫囚八月丙戌朔蜀兩浙闕兩州縣贖賞錢丁亥命湖北安撫司增招神勁軍癸巳雨乙巳以殿前副都指揮使郭倪為鎮

江都統兼知揚州是月贈宇文虛中少保追封劉光世為鄜王閏月戊寅韓侂胄等上欽宗玉牒憲聖慈烈皇后聖德事迹九月丁亥劉德秀罷庚子詔官吏犯贓追還所受如舊法丁未遣陳景俊使金賀正旦庚戌大風冬十月甲子江州守臣陳鑄以歲旱圖獻瑞禾詔奪一官丙寅升嘉定府為嘉慶軍庚午金遣紇石烈子仁來賀瑞慶節復置和州馬監十一月乙酉置殿前司神武軍五千人屯揚州乙未申嚴告訐之禁十二月癸丑朔脩孝宗先宗御集庚午詔兩淮京西監司帥守講行宣恤之政增刺馬軍司弩手癸

酉詔永除兩浙身丁錢絹戊寅金遣趙之傑來賀明年正旦入見禮甚倨韓侂胄請帝還內詔使人更以正旦朝見著作郎朱質上書請斬金使不報是歲真里富國獻瑞象江浙福建二廣諸州旱兩淮京西湖北諸州水振之

二年春正月癸未朔蠲兩浙身丁紬綿癸巳再給軍士雪寒錢發米振給貧民以金使悖慢館伴使副以下奪官有差乙未增太學內舍生為百二十人辛丑更名國用司曰國用參計所己酉雷雨雹辛亥詔坑戶毀錢為銅者不赦仍籍其家著為令是月雅州

蠻高吟師寇邊遣官軍討之二月癸丑壽慈宮火甲寅太皇太后移居大內車駕月四朝乙卯以火災避正殿徹樂丁巳以久雨詔大理三衙臨安府及諸路決繫囚已卯復御正殿三月癸巳以程松為四川宣撫使吳曦為宣撫副使甲午頒開禧重脩七司法丁酉詔諸路監司歲十一月按部理囚如五月之制己亥從太皇太后幸聚景園乙巳錢象祖罷以張巖兼知樞密院事丙午以錢象祖懷姙避事奪二官信州居住己酉知處州徐邦憲入見請立太子因以肆赦弭兵侍御史徐枬劾罷之夏四月己未雅州蠻作亂

癸卯門若官軍失利庚申四川宣撫司復調御前大軍世討之甲子以薛叔似為兵部尚書湖北京西宣撫使鄧文龍為御史中丞兩淮宣撫使下納粟補官之令戊辰以吳曦兼陝西河東路招撫使己巳調三衙兵增戍淮東庚午追奪秦檜王爵命社官改謚乙亥以郭倪兼山東京東路招撫使鄂州都統趙淳兼京西北路招撫使皇甫斌兼京西北路招撫副使丁巳吳曦遣其客姚淮源獻關外四州于金求封蜀王鎮江都統制陳孝慶復泗州江州統制許進復新息縣戊寅光州忠義人孫成復褒信縣五月辛巳朔陳

四
孝慶復虹縣吳興郡王柄薨追封沂王謚曰靖惠癸未禁邊郡官吏擅離職守丙戌江州都統王大節引兵攻蔡州不克軍大潰丁亥下詔伐金癸巳以伐金告于天地宗廟社稷皇甫斌引兵攻唐州敗績興元都統秦世輔出師至城固縣軍大亂甲午賜宗室希瞿子名均命為沂王柄後補千牛衛將軍以池州副都統郭倬主管馬軍行司公事李汝翼會兵攻宿州敗績壬寅太白晝見簡荆襄兩淮田卒以備戢兵癸卯郭倬等還至蘄縣金人追而圍之倬執馬軍司統制田俊邁以與金人乃得免六月壬子王大節除名

袁州安置尋徙封州癸丑建康都統李爽攻壽州敗績甲寅鄧友龍罷以江南東路安撫使立密為刑部尚書兩淮宣撫使乙卯雅州蠻高吟師出降官軍殺之丁巳滅大理三衙臨安府囚罪一等釋杖以下奪郭倬李汝翼二官辛酉奪皇甫斌三官甲子李爽罷丁卯曲赦泗州滅雜犯死罪囚餘皆除之蠲其租稅三年建康副都統田琳復壽春府戊辰雅州蠻復寇邊甲戌奪李爽三官汀州居住再奪皇甫斌五官南安軍安置丙子奪鄧友龍三官興化軍居住戊寅蘇師旦罷是月命立密至揚州部署諸將悉三衙江上

軍分守江淮要害金人封吳曦為蜀王秋七月辛巳復紹興邊郡賞奪蘇師旦三官衡州居住仍籍其家罷早傷州軍比較租賦一年詔侍從臺諫兩省外監即官監司郡守前宰執侍從各舉人材二三人壬午雅州蠻出降庚子蘇師旦除名韶州安置癸卯以張巖知樞密院事禮部尚書李壁參知政事乙巳置沂王府小學教授八月丙寅有司上開禧刑名斷例斬郭倬于鎮江戊辰再奪李奕三官南雄州安置辛未詔諸州無證有佐之獄毋奏裁壬申以淮東安撫司所招軍為御前強勇軍九月壬午金兵攻奪和尚原

已丑朝獻于景靈宮庚寅朝饗于太廟辛卯合祭天地于明堂大赦乙巳賞復泗州功冬十月戊申朔詔內外軍帥各舉智勇可將帥者二人辛酉以將士暴露罷瑞慶節宴丙子金人自清河口渡淮遂圍楚州十一月庚辰命主管殿前司公事郭杲領兵駐真州以援兩淮辛巳金人破棗陽軍甲申以立憲簽書樞密院事督視江淮軍馬金人犯神馬坡江陵副都統魏友諒突圍趨襄陽乙酉趙淳焚樊城戊子金人犯廬州田琳拒退之癸巳以金人犯淮告于天地宗廟社稷乙未避正殿減膳以湖廣總領陳謙為湖北京

西宣撫副使丙申金人去廬州丁酉金人犯舊岷州
守將王喜遁去戊戌金人圍和州守將周虎拒之金
人破信陽軍辛丑金人圍襄陽壬寅金人破隨州癸
丑太皇太后賜錢一百萬緡犒賞軍士詔諸路招填
禁軍以待調遣甲辰金人犯真州乙巳金人破西和
州是月濠州安豐軍及邊屯皆為金人所破十二月
戊申金人圍德安府守將李師尹拒之庚戌金人破
成州守臣辛禔之遁去吳曦焚河池縣退屯青野原
辛亥釋大理三衙臨安府杖以下囚癸丑金人去和
州甲寅金人攻六合縣郭倪遣前軍統制郭僕救之

遇于青浦橋大敗倪棄揚州走丁巳金人破大散關
戊午金人守太微癸亥魏友諒軍潰于花泉走江陵
丁卯金人犯七方關興州中軍正將李好義拒卻之
戊辰吳曦還興州金人自淮南退師留一軍據濠州
己巳罷郭倪奪三官責授果州團練副使南康軍安
置庚午薛叔似陳謙能以京湖北路安撫使吳玠為
湖北京西宣撫使復兩浙園田募兩淮流民耕種癸
酉吳曦始自稱蜀王甲戌以鎮江副都統畢再遇為
鎮江都統權山東京東路招撫司公事乙亥四川宣
撫使程松道

字三百九十三
三年春正月丁丑朔立密罷己卯命知樞密院事張
巖督視江淮軍馬庚辰以陳自強兼樞密使癸未金
人破階州丁亥子圻生庚寅詔建康府給淮民裝錢
遣歸業辛卯吳曦招通判興元府權大安軍事楊震
仲震仲不屈死之癸巳命兩淮帥守監司招集流民
甲午吳曦僭位于興州甲辰奪池州都統陳孝慶三
官罷二月壬子以金師退御正殿復膳甲寅削奪福
建路總管兼延祥水軍統制商榮官爵柳州安置己
未罷程松四川宣撫使以成都府路安撫使楊輔為
四川制置使沿江制置使葉適兼江淮制置使庚申

以旱詔大理三衙臨安府決繫囚癸亥子圻薨追封
順王諡冲懷甲子振給旱傷州縣貧民命諸路提刑
司從宜斷疑獄丁卯罷江浙荆湖福建招軍戊辰子
堯生庚午金人去襄陽辛未以旱禱于天地宗廟社
稷命有司舉行宣撫之政八條蠲兩淮被兵諸州今
年租賦乙亥釋兩浙曉杖以下囚四川宣撫副使司
隨軍轉運安丙及興州中軍正將李好義監四川總
領西興州合江倉楊巨源等共誅吳曦傳首詣行在
獻于廟社是日四川平併誅曦妻子家屬徙嶺南
奪其父挺官遷吳璘子孫出蜀存其廟祀玠子孫免

連坐三月丙子朔蠲兩淮被兵州郡役錢丁丑斬為
四川都轉運使徐景望于利州壬辰興州將劉昌國
引兵至階州金人退去癸巳李好義復西和州丁酉
金人去成州庚子詔以楊輔為四川宣撫使安丙為
端明殿學士四川宣撫副使起居舍人許奕為四川
宣諭使落程松資政殿大學士奪六官筠州安置忠
義統領張翼復鳳州辛丑曲赦四川減雜犯死罪囚
釋杖以下壬寅責授程松順昌軍節度副使澧州安
置夏四月戊申以吳玠兼四川宣諭使子瑛薨追封
申王謚冲懿癸丑赦兩淮湖北京西被兵諸州減雜

犯死罪囚釋流以下蠲湖北京西諸郡今年租賦四
川忠義人復大散關己未奉使全國通謝國信所參
議官方信孺發行在庚申以兵部尚書宇文紹節知
江陵府權湖北京西宣撫使壬戌詔吳玠與宣撫司
議分興州都統司軍之半屯利州丁卯召楊輔詣行
在以吳玠為四川制置使戊辰以資政殿學士錢象
祖參知政事己巳改興州為沔州庚午贈楊震仲官
仍官其子一人癸酉金人復破大散關甲戌赦西和
階成鳳四州五月丁丑賞誅兵曠功戊寅用四川宣
撫司奏吳曦黨人張伸之等一十六人除名編配兩

廣及湖南諸州己丑以旱禱于天地宗廟社稷辛卯以太皇太后謝氏有疾赦是日崩四川宣撫副使司參贊軍事楊巨源與金人戰于長橋敗績戊戌詔四川宣撫置制司分治兵民庚子復置沔州副都統制以李好義為之辛丑李好義襲秦州敗還六月甲寅賞守襄陽功己未李好義遇毒死癸亥以林拱辰為金國通謝使遣富瑄使金告哀劉彌正賀金柱辰癸酉安丙殺其參議官楊巨源秋七月己卯命不儻為嗣濮王乙酉以災傷下詔罪己八月己巳上大行太皇太后謚曰成肅皇后九月丁丑詔諸路帥臣申儆

備辛巳召張巖請行在壬午方信孺以忤韓侂胄

坐用私覲物擅作大臣饋遺金將奪三官臨江軍居

住甲申減極邊官吏舉主員乙酉權攢成肅皇后于

阜陵丙戌命淮西轉運司措置雄淮軍辛卯以趙淳

為殿前副都指揮使兼江淮制置使乙未張巖罷辛

丑遣王相持書赴金國都副元帥府壬寅祔成肅皇

后神主于太廟冬十月乙巳減臨安紹興二府囚罪

一等蠲民緣攢官役者賦丙午更殿前司純隊法乙

卯復珍州遵義軍丙辰詔以邊事諭軍民十一月甲

辰詔韓侂胄經啓兵端罷平章軍國事陳自強阿附

充位罷右丞相乙亥禮部侍郎史彌遠等以密旨命
權主管殿前司公事夏震誅韓侂胄于玉津園以錢
象祖兼知樞密院事李壁兼同知樞密院事以誅韓
侂胄詔天下丁丑以夏震為福州觀察使主管殿前
司公事將士行賞有差李陳自強三官永州居住戊
寅責授蘇師旦武泰軍節度副使韶州安置己卯斬
之詔姦臣竄極當首開言路以來忠讜中外臣僚各
具所見以聞辛巳再奪鄧友龍五官南雄州安置尋
除名徙循州乙酉置御前忠銳軍丙戌以御史中丞
衛涇簽書樞密院事兼參知政事丁亥詔立皇子榮

王曠為皇太子更名懋戊子郭倪除名梅州安置郭
僕除名連州安置仍籍其家奪李壁二官撫州居住
癸巳奪張巖二官徽州居住己亥以立皇太子大赦
十二月癸卯以丘密為江淮制置大使罷山東京東
招撫司以許奕為金國通問使乙巳太白晝見丁未
罷京西北路招撫司己酉落葉適寶文閣待制蠲兩
淮州軍稅一年庚戌奪許及之二官泉州居住奪薛
叔似二官福州居住再奪皇甫斌五官英德府安置
癸丑金人復破隨州辛酉以錢象祖為右丞相兼樞
密使衛涇及給事中雷孝友並參知政事吏部尚書

字二百八十八个
林大中簽書樞密院事乙丑以禮部尚書史彌遠同
知樞密院事丙寅贈呂祖儉朝奉郎直祕閣官其子
一人丁卯詔改明年為嘉定元年是歲浙西旱蝗沿
江諸州水

本紀卷第三十八

